



傳覽存

著 士 居 山 仁 楊

行 印 局 書 學 佛 海 上

初機佛學之指南針

佛學講義

每部十冊定價法幣三元

本書目錄

- 佛
- 佛
- 佛
- 佛
- 小乘
- 大乘
- 大乘
- 出家
- 佛
- 佛
- 述

第一冊

第二冊

第三冊

第四冊

第五冊

第六冊

第七冊

第八冊

第九冊

第十冊

述

述

述

述

述

述

述

述

述

述

述

述

述

每冊新價三角

本局為灌輸佛教史乘法義及佛門常識起見。故集同人。以淺顯扼要之文。編纂佛學講義一種。因凡學習一種學術。應以歷史為先。佛法出自佛陀。故講義第一冊。首佛傳。佛教宏布。已遍世界。經典之泛譯。繙白之播傳。皆吾人研考之資料。故第二冊述佛教弘傳史。史傳既明。即當明了佛教信解行證各種之義理。故第三為佛教概說。法流既遠。宗派形成。隨學一宗。皆有成就。學者於大小乘各宗之教史與教義。皆當研究。故第四為小乘佛教概說。第五六為大乘佛教概說。佛教俯持。有出家人家二衆之分。故第七冊論出家人與在家學道之方。佛教文學與美術。皆有特著之精彩。故第八冊述文藝。更進而廣求之。則三藏經典。均有閱讀之要。而其內容提要。舊書僅有海師閣藏知津一書。足供檢討。餘均不詳。乾燥無味。故第九冊述大藏要典。第十冊述各宗要典。備學者之問津焉。此書本擬仿函授之法。按月出版。供初機學人及佛教小學校之用。中經事變。小有停頓。嗣於去歲冬間。全部裝成。即行發售。本書文約義豐。綱提領挈。實為問津佛海者之南鍼。凡學佛人不可不人手一編焉。

闡教篇流通序

我佛說教不外真俗二諦。真諦順道。俗諦順世。真諦是實。俗諦是權。弘法者而能開權顯實。或會權歸實。則真俗皆諦。若執權而背實。或廢實而立權。則非佛說矣。諦云何哉。末世弘法。往往操之過急。以爲談真則逆俗。毋寧捨實而從權。雖似方便。然方便而無慧。失其善巧。及其弊也。則醍醐反成毒藥矣。佛法方便多門。惟淨土爲最者。其旨在仗他力。固矣。夫衡以佛生不二之理。他力固無異於自力。然在衆生我見未除。自他未能不二。故不廢自力而仗他力。則資他力爲增上緣。自力雖弱。而成功亦鉅。若主張廢自力而專仗他力。其說雖爲人所樂從。然不將爲放逸懈怠。與暴厲恣睢者所藉口乎。先覺楊仁山老居士於闡教芻言等篇。諄諄焉不辭與辯者。良有以也。邇來世變益亟。佛法彌需。此淨土仗他力之方便法門。更爲一般人所容易接受。若不將其似量非量之處。從而

揭破之。鍼砭之。則彼熱心弘法者。一味順俗從權。勢必至於如真宗之所主張。上違佛道。下誤衆生。其遺害有不可勝言者。本局有鑒於是。爰將楊老居士遺書闡教篇翻印流通。世之研究淨土教者。可不手置一編歟。己卯初秋上海佛學書局序

闡教編目錄

闡教芻言	一
評真宗教旨	三
評選擇本願念佛集	一一
評小粟栖陽駁陰資辯	一九
評小粟栖念佛圓通	二九
雜評	四四

闡教編

清石埭楊文會仁山著

闡教芻言

古來闡教大士。莫不以佛經爲宗。橫說豎說。皆不違經意。余與眞宗教士往還。有年矣。而未知其旨趣所在。頃因北方上人自日本來。建立本願寺於金陵城內。欲將祖書刊板流行。爰取選擇本願念佛集閱之。覺其中違經之語甚多。已略加批評。復取眞宗教旨詳覽一徧。逐細辯論。歸之北方君。請其轉致同人。商榷彌縫之道。并進以芻言曰。今日所期於眞宗者。無他。唯在乎闡教之言。不肯淨土三經耳。夫菩提心爲淨土正因。今欲往生淨土。而唱言捨菩提心。是南轅而北其轍也。嘗觀南條上人航西詩稿。有斷章取義大師眼。三經之要二三策等語。可謂深知本宗教旨者矣。南條之意。欲將本宗教旨。譯佈天下萬國。美則

美矣。而未盡善也。夫所謂斷章取義者。果與全經意旨不相違乎。若與全經不相違。則不得謂之斷章取義。若相違。則不得謂之釋迦教。卽謂之黑谷教矣。然則若之何而可也。一切教規。概不更動。但將捨聖道之語。隱而不言。不過少小轉移之間。便成契理契機之教。或以違祖訓爲疑。而不知非也。且以世法論之。五伯之子孫。豈不能學三王。三王之子孫。豈不能學二帝。以出世法論之。聲聞之門徒。豈不能學緣覺。緣覺之門徒。豈不能學菩薩。此理不待辯而明矣。若必守成法而不許變通。則地球各國。亦不能有維新之氣象矣。或曰。其如正像末三時所限何。答曰。今時正當末法之初分。非其中分後分也。若初分卽將經意抹盡。則中分後分。將如之何。末法尙有七千餘年。此時不將經意昌明。豈能延至如許長時耶。且三時有互攝之義。於末法內亦攝正像。是在根器不同。亦因時無實法耳。或曰。眞宗之教。重在難易之分。其斷章取義者。捨其難而取其易也。余應之曰。非也。西方淨土。佛力所成。順佛意則往生易。違佛意則往生難。若

說法不順經義則是捨易而就難矣。豈有謗法之人而能生淨土者哉。近代以來。門戶之見。牢不可破。支那境內。禪宗一派。空腹高心。西來大意。幾成畫餅。台教一派。尙能講經。惟泥於名相。亦非古法。且諸方名藍。向無學堂。造就人才。所以萎靡不振也。真宗既有學寮講肆。又開普通學館。是世出世法。兼而習之。人才輩出。何可限量。惟願善學者不爲成法所拘。則妙契佛心。尤爲如來真子矣。鄙人護持正法。過於身命。故不避忌諱。冒昧陳言。倘不以爲然。笑而置之可也。向後學徒研究淨土三經。精通其義。必有與鄙意暗合者。將拭目俟之。

隨文辯論。書於選擇集及真宗教旨內者。茲不重出。請閱拙本爲盼。

評真宗教旨

十餘年前。獲真宗教旨一卷。悉心研究。覺與經意不合處頗多。遂參註行間。以備芻蕘之採。真心論道。不避忌諱。所謂個中人方談個中事也。近時泰西各國辦理庶務。日求進益。總不以成法爲足。貴宗廣佈佛教。勢將徧於地球。伏願參

酌損益。駕近古而上之。故不憚繁言。陽似辯駁。陰實資助。祈大雅鑒之。極樂淨土。由彌陀願力所成。彌陀既發大願。勤修聖道。方得圓滿。經云。住空無相無願之法。無作無起。觀法如化。此卽聖道之極則也。以聖道修成本願。若云捨聖道。則是違本願矣。因果相違。豈得往生。經云。深信因果。不謗大乘。良有以也。

以淨土爲入聖道之門。生淨土後。則一切聖道。圓修圓證。若在初修時。唱言捨聖道。便是違背淨土宗旨矣。淨土門以三經一論爲依。切須體究經論意旨。方名如來真子也。

真宗教旨第一號云。第一祖龍樹菩薩。祖其作易行品。而不祖其講布華嚴中論。

存上句。刪下句。可免掃拂聖道之弊。

龍樹作易行品。祇分難易。不顯立掃。今真宗立淨土而掃聖道。與論意不符。

龍樹說難行易行二道是活法。於聖道中開出淨土一門。接引後學。此爲同中別也。利根於現生中得念佛三昧。卽證入聖道門。鈍根於往生後華開見佛。亦證入聖道門。此爲別中同也。闡揚聖教者。須將死法說成活法。不得將活法說成死法。佛教命脈。僅如懸絲。可不懼哉。

又第二號云。本宗名淨土真宗。據念佛成佛。是真宗之語。以親鸞上人爲始祖。大織冠鎌足公之裔。而藤原有範公之男也。夫人玉日氏。攝政關白兼實公之女也。初源空大師倡淨土宗。海內風靡。門人三百餘。上人實爲其上足。關白歸大師爲大檀越。一日曰。大師持戒而念佛。弟子噉肉畜妻而念佛。無乃有勝劣耶。大師曰。同一念佛。何差之有。曰。弟子有女。屈一上足爲婿。以斷天下後世之疑。大師以上人應。上人辭不可。是爲開宗之緣由。

於佛教門中。專重淨土。於淨土門中。專重他力信心。可謂簡而又簡。捷而又捷矣。

此法在家二衆行之相宜。出家五衆自有清規。若一概效之。則住世僧寶斷矣。末法萬年儀表。不可廢也。

又第三號云。以聖道淨土二門判一代教。大小半滿權實顯密。爲聖道門。是係此土入聖之教。大無量壽經。阿彌陀經。是係往生淨土之教。又聖道門中有豎出豎超。法相三論爲豎出。華天密禪爲豎超。淨土門中有橫出橫超。以諸行往生爲橫出。是係自力。以念佛往生爲橫超。是係他力。

聖道爲十方刹土解脫之門徑。生西方淨土之人。亦由聖道而證妙果。修諸行者。若不念佛回向。亦不得往生。

又第四號云。方今係佛滅度二千八百二十五年。人劣才闕。不能踐聖道而登大果。是所以聖道不振也。以不可行之法。強於不能行之人。迫雞入水。豈理哉。

道綽逼雞入水之喻。爲留形穢土之人而說。非爲修聖道者說也。

迫難入水。卽遭淹沒。未聞修聖道而墮落者。蓋聖道雖難速證。亦作淨土資糧。與彌陀因地同一修途。自然與果位光明相接也。

專修淨土之語可說。不修聖道之語不可說。蓋淨土亦是聖道無量門中之一門。修淨土。卽攝一切聖道入一門。所謂他力信心者。廢自顯他也。不許自他相對。卽成絕待圓融法門矣。剋實論之。信心者。自心所起也。他力者。自心所見之他力也。除卻現前一念。復何有哉。

自他皆是假名。廢假名之自。而立假名之他。妙用無方。以龜毛兔角。幸勿執爲實法也。

又第六號云。於四十八願中。以第十八願爲真實。其所被之機爲正定聚。生眞實報土。十九二十爲方便。十九之機。回向諸行。止至化土。故爲邪定聚。二十之機。或進入第十八。或退墮第十九。故爲不定聚。開說第十八爲大經。開說第十九爲觀經。開說第二十爲小經。大經機教俱頓。觀經機教俱漸。小經

教頓機漸。

生淨土者。蓋入正定聚。絕無邪定及不定聚。經有明文。處處可證。若以觀經所攝。判爲邪定聚。則是聚九州鐵。鑄成一大錯矣。

觀經被大機最極圓頓。一生可證初住位。與善財龍女齊肩。於觀中蒙佛授記。是也。何得判爲機教俱漸。

又第七號云。大經係真實教。無隱顯義。觀經係方便教。故有隱顯。以顯見之。爲日想水想之觀。以隱取之。爲觀佛本願之觀。一文兩義。是爲隱顯。

觀經從第三觀以去。皆是極樂妙境。無一非佛願力所成。不待隱取。方爲觀佛本願也。

又第八號云。方今居大叢林。稱大和尚。外標賢善。內實貪吝。被綢緞。坐氍毹。尊大養望。瞞人自欺。豈稱君子。

不但此等人非正修行。卽終身修苦行。衲衣一食。科頭跣足。晝夜不眠。或處禪

堂。或居山洞。自負修行。不肯虛心看經學道。但以除妄念爲功。日久功深。一念不起。便謂證道。殊不知恰成就一個無想外道。離佛法懸遠矣。功行淺者。命終之後。隨業輪轉。豈不哀哉。

又第九號云。信心從他力而發。名他力信心。佛力爲他力。明信佛智爲信心。祖師曰。歸命之心。非從我生。從佛敕生。故名他力信心。自力之徒。修雜行雜修。他力之徒。不修之。自力之信。有九品。所生之土。亦有九品。經曰。胎生。他力之信。一相無別。所生之土。亦一無量光明土。經曰。化生。

經云。十方衆生。至心信樂。欲生我國。發此三心者。仍係自力也。若云從他力生。他力普徧平等。而衆生有信不信。豈非各由自力而生信乎。倘不仗自力。全仗他力。則十方衆生皆應一時同生西方。目前何有四生六道。流轉受苦耶。能領佛敕者。自心也。故仍從自心生。

所云不修者。如禪宗之無修無證乎。抑如世俗之隨波逐流乎。下文俗諦。非雜

行雜修而何。

九品之中。上品上生者。立刻見佛。得忍受記。以下諸品。均無胎生之事。大經所說之胎生。以疑惑無智所感。與上品之超越。中品之純篤。大相懸殊矣。

又第十號云。真俗之名。有重重之義。本宗假以安心門爲真諦。以倫常門爲俗諦。本宗既開許畜妻。不能無五倫。既有五倫。不能不履其道。是爲俗諦。凡夫之罪雖大。較諸願力。不啻滄海一粟。所以不問噉肉畜妻也。衆生之善爲有漏。彌陀之報土爲無漏。有漏之善。不可以生於無漏土。

第十號所說。盡是雜行雜修。何以前文力埽諸行。豈所埽者是出世行。而不埽者是世間行乎。夫世間行。長生死業。而出世行。逆生死流。孰正孰反。必有能辨之者。

倫常門是世善。世善尙不廢。何爲偏廢出世善耶。

一切世善。均在菩薩萬行中攝。但能回向淨土。則成往生業。否則人天果報而

已。

查其用心者。一切世善皆成無漏。不發菩提心。雖修五度。總屬有漏。

又第十一號云。諸式入社之後。口授而稟。

華地時有外道邪宗。祕密傳授。不令他人得知。貴宗卷尾有口授面稟之語。令人見而生疑。似宜編輯成書。入社之人各領一冊。以便遵行。

貴宗所奉者大經第十八願。今先錄願文。隨後解釋。經云。設我得佛。十方衆生。至心信樂。欲生我國。乃至十念。若不生者。不取正覺。唯除五逆。誹謗正法。文中。有乃至二字。可見七日持名。減至一日。又從一日減至十念。是最少最促之行也。向下更無可減矣。大經下輩生者。正是此機。其上輩者。是十九願所被之機。今云十八願爲正定聚。十九願爲邪定聚。此卽大違經意。十八願末言五逆。謗法不得往生。凡與經意相違者。均是謗法。觀經下品下生。十惡五逆。回心卽生。未收謗法。蓋謗法者。與彌陀願光相背也。今判十八願所被之機。生真實報。

土。十九之機。止至化土。此等抑揚。未知何所依據。請將經文確證。一一指出。以釋羣疑。

評選擇本願念佛集

貴宗道友惠贈七祖聖教。已將往生論註。安樂集。觀經疏。刊板流行。頃承心泉大師屬刊全書。因逐一檢閱。見得此集與經意不合處頗多。略加評語。就正高明。倘不以爲然。請逐款駁詰可也。

本集第一云。道綽禪師立聖道淨土二門。而捨聖道正歸淨土。

此一捨字。龍樹道綽皆不說。說之則有病。蓋聖道與淨土。一而二。二而一者也。本集第一又引道綽安樂集上云。當今末法。現是五濁惡世。唯有淨土一門。可通入路。故大經云。若有衆生。縱令一生造惡。臨命終時。十念相續。稱我名字。若不生者。不取正覺。

縱令一生造惡。經文中無此六字。

本集第二引善導疏云。衆生起行。口常稱佛。佛卽聞之。身常禮敬佛。佛卽見之。心常念佛。佛卽知之。衆生憶念佛者。佛亦憶念衆生。彼此三業不相捨離。故名親緣也。

此說是比量。屬依他性。

本集第二又云。衆生口不稱佛。佛卽不聞之。身不禮佛。佛卽不見之。心不念佛。佛卽不知之。衆生不憶念佛者。佛不憶念衆生。彼此三業常相捨離。故名疏行也。

如是翻對。是世俗見。卽是非量。屬徧計性。以彼此之界。揣度如來。十萬億佛土。如何得去。

佛以無緣大慈攝化衆生。平等普徧。無親疏之別。而言親疏者。屬衆生邊事。若佛因衆生而有親疏。則亦衆生而已矣。烏得稱爲佛耶。

本集第三云。無量壽經上云。設我得佛。十方衆生。至心信樂。欲生我國。乃至

十念。若不生者。不取正覺。觀念法門引上文云。若我成佛。十方衆生願生我國。稱我名字。下至十聲。乘我願力。若不生者。不取正覺。往生禮讚同引上文云。若我成佛。十方衆生稱我名號。下至十聲。若不生者。不取正覺。

兩段引文。皆作下至十聲。可見十念是至淺之行。而真宗教旨。反以此行駕九品之上。何也。

本集第三又云。壽經云。(中略)於是世自在王佛卽爲廣說二百一十億諸佛刹土。天人之善惡。國土之羸妙。應其心願。悉現與之。時彼比丘。聞佛所說。嚴淨國土。皆悉覩見。超發無上殊勝之願。其心寂靜。志無所著。一切世間無能及者。具足五劫。思惟攝取莊嚴佛國清淨之行。阿難白佛。彼佛國土。壽量幾何。佛言。其佛壽命四十二劫。時法藏比丘。攝取二百一十億諸佛妙土清淨之行。(中略)經意亦有選擇義。謂云攝取二百一十億諸佛妙土清淨之行是也。選擇與攝取。其言雖異。其意是同。

攝取專屬取而不言捨選擇則有取有捨語意不同

攝取二百一十億諸佛妙土清淨之行。從上文思惟攝取莊嚴佛國清淨之行語來。法藏比丘當時聞說二百一十億諸佛刹土。一時融入心境。迨永劫修行之後。一時發現。非如世俗造作。須選精美者作模樣。方能成就也。譬如春蠶食葉。大小老嫩。一概食盡。及其吐絲。變爲一色。非復桑葉形樣矣。

本集第三又云。夫約四十八願。一往各論選擇攝取之義者。(中略)乃至第十八念佛往生願者。於彼諸佛土中。或有以布施爲往生行之土。或有以持戒爲往生行之土。(中略)或有以般若爲往生行之土。或有以菩提心爲往生行之土。(中略)及以孝養父母奉事師長等種種之行。各爲往生行之國土等。或有專稱其國佛名爲往生行之土。(中略)如是往生之行。種種不同。不可具述也。卽今選捨前布施持戒乃至孝養父母等諸行。而選取專稱佛號。故云選擇也。

以選擇取撰之心。測度彌陀因地。彌陀因地。果如是乎。

般若爲諸佛母。般若現時。命根意根俱不相應。卽證無生忍。不但不起淨穢二見。卽佛見法見亦不起也。

菩提心爲因果交徹之心。諸佛極果。名阿耨多羅三藐三菩提。此集並菩提心而捨之。不知以何爲佛也。

本集第三又云。念聲是一。何以得知。觀經下品下生云。令聲不絕。具足十念。稱南無阿彌陀佛。稱佛名故。於念念中。除八十億劫生死之罪。今依此文。聲卽是念。念卽是聲。其意明矣。

念者心念也。稱者口稱也。今云聲卽是念。念卽是聲。誤矣。觀經之文。明明可考。經曰。此人苦逼。不遑念佛。善友告言。汝若不能念彼佛者。應稱無量壽佛。可見念與稱有別也。下文具足十念之念字。是稱名之時。一心專精。無他念間雜。惟有稱名之念。十念相續。卽得往生。此人苦極心猛。命根斷時。前後不接。金蓮明

耀。忽然在前。心力佛力。皆不思議也。

本集第四云。上輩之中。雖說菩提心等餘行。望上本願。意唯在衆生專稱彌陀名。而本願中更無餘行。三輩俱依上本願。故云一向專念無量壽佛也。一向者。對二向三向等之言也。(中略)雖先說餘行。後云一向專念。明知廢諸行。唯用念佛。故云一向。

此段所論一向之言。甚違經意。經中所說菩提心及諸功德。皆是念佛行門。良以一切法入一法。一法攝一切法。方見純雜無礙妙用。卽得名爲一向專念也。若如此中所說爲廢諸行歸於念佛而說者。則經中有自語相違之過。何以故。經文明明一聯說下。絕無廢歸之意也。且著衣喫飯。亦是雜行。便利睡眠。亦是雜行。必須不食不眠。一口氣念到死。方合此集引證一向之言也。佛經何等深妙。而以淺見測之。豈不貽誤後人哉。

本集第十一云。凡九品配當。是一往義。五逆迴心。通於上上。讀誦妙行。亦通

下下十惡輕罪。破戒次罪。各通上下。解第一義。發菩提心。亦通上下。一法各有九品。若約品卽九九八十一品也。

五逆以下三行解說。若約懺罪猛鈍。修證淺深。則可以九品互通。此中說解第一義。發菩提心。亦通上下者。除非中途退墮。作諸惡業。臨終回心。如經文下品中說。如此三行。未免令初心人無所適從。所謂矯亂論議也。

本集第十三引善導頌云。極樂無爲涅槃界。隨緣雜善恐難生。故使如來選要法。教念彌陀專復專。七日七夜心無間。長時起行倍皆然。臨終聖衆持華現。身心踊躍坐金蓮。坐時卽得無生忍。一念迎將至佛前。法侶將衣競來著。證得不退入三賢。

善導此頌。重日夜精持。一心無間。下文得無生忍。入三賢位。皆是證聖道也。

本集第十四云。何故六方諸佛證誠。唯局念佛一行乎。

局字大錯。蓋佛法雖無量門。而修習者必從一門深入。方得徧通一切佛法。譬

如一室四面開門。欲入室者。必從一門。若擬從東入。又欲從西。或兼南北。則終無入室之時矣。

本集第十六云。選擇讚歎者。上三輩中。雖舉菩提心等餘行。釋迦卽不讚歎餘行。唯於念佛而讚歎云。當知一念無上功德。故云選擇讚歎也。

菩提心卽正覺心也。成正覺方名佛。今重念佛而輕菩提心。大違教義。念佛有多門。念佛名號。念佛相好。念佛光明。念佛本願。念佛神力。念佛功德。念佛智慧。念佛實相。隨念一門。卽攝一切門。方入十立法界。若存取捨之見。則全是凡夫意思。與佛界懸遠矣。

本集第十六又云。善導觀經疏者。是西方指南。行者目足也。

觀經所說十六法門。無一不是念佛。此文所判。似專局乎持名也。此集專以持名爲念佛。而觀想等法。均判在念佛之外。非經意也。

評小粟栖陽駁陰資辯

佛說接引往生。皆是顯他力之教。三輩九品。皆仗佛力而得往生。若全仗自力。必至圓初住。別初地。始能十方世界。隨意往生。故知淨土三經。勸進往生。全仗他力。而仍以自力爲階降之差。我佛慈悲。所以誨人者。至爲圓妙。若以三輩九品爲自力往生。則失經意矣。

辯云。聞貴國黃衣派挾天威而恣尊大。毫無學問之志。其青衣各派乃甘卑屈。而視國家之興敗。如秦人於越人肥瘠。故政府亦處之度外。棄而不顧也。僧俗二衆。佛有遺規。僧則守出家律儀。不干世務。俗則依在家道理。致君澤民。二者不相濫也。

辯云。龍樹之開難易二道。非難中開易也。非聖道中開淨土也。聖淨二門。井井區別矣。天親之淨土論。正明淨土。而龍樹之易行品。傍明淨土耳。

不識佛法開合之妙。見聖道淨土。判然兩途。不得不改變經意。以合於自宗也。天親往生論。於依正莊嚴後。攝入一法句。明淨土不外乎聖道也。曇鸞釋之甚

辯云。同中別者。佛教中見二門也。別中同者。二門雖異。其所證之真如一也。真如即是聖道。既知同證真如。奈何唱言捨聖道耶。

辯云。方今聖道之一門。不合時機。獨我真宗。何肉周妻。爲國家奔走。不啻說出離之法。併亦說忠君愛國之事。毫不賸坐深山。

悉達太子捨金輪王位。入山修道。爲後人榜樣。我輩雖不能學。心常羨之。今知貴宗如是存心。所謂道不同不相爲謀也。

辯云。彌陀本願不取諸行。獨取念佛。

四十八願普攝諸行。何云不取耶。

念佛卽是諸行中之一行。專修念佛。所謂一門深入也。而以世俗事務夾雜其間。欲得往生。不亦難乎。

辯云。本宗有二門。一學門。二行門。約學門則一切經可學也。不學一切經。則

不可解淨土之法門也。若約行門，則單據念佛之一行。豈攘排一代佛教乎。學與行兩不相干，則學成無用之學。

閱教典須一一銷歸自性，方爲有益。栖君之言，以閱經爲所學而非所行，則學與行兩不相涉。所學卽屬無益。（謹按此條評本未錄，茲依手稿增入編者識）不學下三十五字，恰合我意。

辯云：此土入聖爲聖道門。他土得生爲淨土門。歷歷區別矣。不可一混也。聖道卽淨土。何用往生十萬億之西哉。

栖君非但不知聖道，亦復不知淨土。大凡闡揚淨土者，須知淨土因何而成。既以大經爲真實，豈不見法藏比丘白佛言：我發無上正覺之心，非菩提心而何。發大願後，修行文中，自行六波羅蜜，教人令行。經文彰彰可考。證知彌陀報土，皆因修行聖道而得成就。奈何定要捨聖道，判修行者爲邪定聚，生於化土。不修行者爲正定聚，生於報土。顛倒謬亂，莫此爲甚。豈日日持誦經文，循行數墨，

全不解義耶。

辯云。本宗以二門之判。判一代教。曰聖道門。曰淨土門。於淨土門有二門。曰正明淨土教。曰傍明淨土教。於正明淨土教有二門。曰眞實教。曰方便教。眞實教者。大無量壽經是也。方便教者。觀無量壽經阿彌陀經是也。

從上諸師開宗判教。必將所依之經。全體透徹。方能破立自由。縱橫無礙。未有將本宗之經任意掩抑。令前後文意不相聯屬者。如貴宗以無量壽經爲主。而此經中三輩往生之相。則判爲自力。棄而不取。以致全經血脈不能貫通矣。

辯云。本宗之釋三聚。以順本願者爲正。以不順本願者爲邪。第十八不以諸行爲往生之因。單以念佛爲往生之因。善導曰。一心專念彌陀名號。是名正定之業。順彼佛願故。順彼佛願。必得往生。是爲正定聚。觀經定散諸行。不順佛願。是爲邪。以邪而願生。故爲邪定聚也。

觀經是佛說。何云不順佛願。尊善導而慢釋迦。是何居心。

辯云。此邪之言。顯非本願之行。如天台之以小乘爲邪見。小乘佛教豈邪乎。望之圓教。得邪名耳。

以小乘爲邪見。方等經中破小顯大之語。非天台臆說也。若經中無此語。天台斷不敢杜撰。

辯云。作九鐵鑄錯之大惡口。何不反省之甚。

若照此本判斷。僅云大錯。猶不足以盡之。

辯云。淨土無九品爲真實報土。有九品爲方便化土也。定散諸行。非本願之行。以非本願之行。願生淨土。必得九品之化生也。從此化土一轉。往生眞土。故判觀經往生爲機教俱漸也。淨土蒿目。仔細玩索。必覺妙味津津無盡焉。不願佛經之本意。強作一解。以合於自宗。苦心思索而得之。此所以津津有味也。

非但釋迦教中無此道理。卽十方三世一切諸佛教中。亦無此道理。用凡夫意

想捏造一法以駕於佛經之上。罪過彌天。

辯云。報土也者。一種真妙而無九品之差別。往生卽成佛。無一轉入報之迂迴也。

判他力信心者。駕於九品之上。往生卽成佛。大經內無此義。猶如空拳誑小兒也。

辯云。依觀經三昧。見淨土依正。其所見之土。非報土。是化土也。此化土亦願力所成。懈慢界。

釋迦佛何故說此懈慢界。教人往生。此真可謂謗佛謗法矣。

辯云。以第十八願爲弘願。以定散爲要門。善導之釋。皎如日星。定散非本願。單念佛爲弘願。善導流通。照人顏色。

善導落筆時。不料後人有此等執見也。

善導施之是藥。後人執之成病。

辯云。支那僧大抵不學佛書。多見坐禪或頭陀者。一念不生。誠爲佛果。然至此一念不生之域。難矣。若誠至此域者。非是無想外道。

判誠至一念不生者。非是無想外道。何其見之淺也。且不知無想定與滅盡定。差之毫釐。謬以千里。外道生無想天。自謂證大涅槃。不知報盡決定墮落也。

辯云。名號之入衆生心中。是爲他力信也。得此信者。據宿善焉。宿善者恆值佛也。過去修習念佛也。闕此宿善。則不能得信。

此言成就我宗。宿善是自力所作。尊意只許前生之自力。不許此生之自力。誠不解其何義也。

辯云。觀經之九品。係淨土之化土。彌陀以方便之願。成此九品之化土。以應九品自力之機。此機往生此化土。而後一轉入一種眞妙之報土也。

經中實無此語。或貴國所傳之本。與支那現行本不同歟。

辯云。本宗釋三輩菩提心有二門。一者以爲聖道自力之菩提心。是可廢也。

第十八不許自力菩提心故也。二者以爲他力之菩提心。第十八之三心是也。三輩之菩提心。卽至心信樂所生也。

四弘誓如錠子金。三心如葉子金。乃諄諄誨人曰。錠子金不可用。必須用葉子金。豈知錠子金與葉子金。體本無二。用亦無二也。

辯云。本宗以第十八願爲真實願。以十九願爲方便願。十八願不許諸行。是爲真實。十九願許諸行。是爲方便。

第十八願既爲真實。佛又何故要說第十九願之方便。令人捨易而行難。既往生而更須轉進。方入十八之真實也。若方便易而真實難。佛則令人從易進難。豈有從難進易以爲方便乎。總之以立異爲高。不立異不足以動人也。

辯云。觀經序正。開十九願也。至流通而廢諸行單屬念佛。始與第十八同其歸也。貴君之眼。未能徹其紙背。一片之婆心。促君反省。

尊目力透紙背。所以能作反語。拙目不徹紙背。故祇作正語。古人云。依文解義。

三世佛冤。離經一字。即同魔說。彼此各坐一邊病。若二邊不著。則無病。

辯云。十九願許諸行。非彌陀本意也。

既非本意。何得發此一願。豈非違心之願乎。此等判斷。實屬膽大。有識者決不敢出此語也。(謹按此條評本未錄。茲依手稿補入編者識)

辯云。見真大師之開淨土真宗。以法然上人爲師。法然依善導立一宗。善導五部九卷。並明觀佛念佛。使初心不知其所歸。法然探知其意之所在。筆之於文章。使天下萬世知唯念佛之可依焉。

此是不滿善導之處。證知法然並非全宗善導。乃取善導之片言而文飾之耳。辯云。第十八願之十念。諸師誤爲觀念意念。善導楷定之爲口稱。法然依之。見真依之。

小彌陀經專主持名。豈至二千年後。法然始指出哉。

辯云。善導散善義。以別解別行。喻之羣賊。據其以諸行障往生之行也。

經中以諸行資助往生，斷無障往生之理。善導所說別解別行，退失往生之業者，喻之羣賊。若以菩提心及諸功德，喻之羣賊，則本疏中自語相違矣。

嘗憶十年前上海傳教西人，引我至講堂。有本國演教者大聲宣言曰：基督教如杲日之光。儒釋道等教，或如星月之光。或如流螢之光。杲日一出，諸光皆隱。君何不捨佛教而歸我基督教乎？予笑而不答。知其不可與言也。孔子云：可與言而不與之言，失人。不可與言而與之言，失言。嘗見貴宗諸君子藹然可親，謂其可與言也。今閱辯答之辭，祇樹自宗之門庭，不顧佛經之意旨。前此一番狼藉，豈非墮失言之過乎？

評小粟栖念佛圓通

原書云：源空上人，世以爲大勢至菩薩化身，故名此解以念佛圓通。

勢至自云我無選擇。源空專主選擇。勢至念佛，都攝六根。源空專主口念。意根且不攝。違及眼耳鼻身乎。以圓通目之，恐不稱也。

原書云。本宗以念佛爲大乘無上之法。勢不可降。喬入幽也。源空上人去天台入弘願。是不守成法而能變者。

閱至此處乃恍然曰。我過矣。我過矣。彼直欲駕佛經而上之。立義在三藏教典以外。而我方以遵崇佛語相期。豈不令人嗤笑哉。

原書云。源空上人母秦氏夢吞剃刀而有孕。

夢吞剃刀。卽是割斷聖道之兆也。

原書云。上人從黑谷移吉水。日稱名六萬徧。

猛利念佛。亦恐涉於自力。

原書云。攝政關白大政大臣兼實。乞上人作選擇集。上人說法於月輪殿。其歸兼實拜之地。上人頭現圓光。中有寶瓶。兼實驚喜。以知其勢至之化。

今而後方知釋迦教外。別有勢至之教。流傳人間。深自愧其見聞之不廣也。

原書云。建久九年正月二日。水想觀成矣。七日。瑠璃地現。二月。水想地想寶

樹寶池宮殿皆現元久三年正月四日彌陀觀音勢至現余按非是入定而得之。稱名念佛之力。自然感此好相也。

余按下二十餘字。恐其涉於雜修雜行。所以作此出脫之語。而稱名念佛。仍不免自力也。

原書云。建曆二年正月。在大谷得疾。見佛菩薩化身。二十五日寂。紫雲降焉。假如有佛現於空中。放光說法。倘不與脩多羅合。亦不足信也。

原書云。上人之闕一代時教。在以其所得之要路而自利他耳。曰。眞言止觀三論法相之教。道幽理邃。利智聰明之者。可以行焉。方今暗於三密。而登徧照之位。乏於戒律。而居持律之職。是謂虛假。虛假非可以出離也。

將來親見勢至。當問此事。若眞勢至化身。仍須切實辯論。過於此番之言百千萬倍。請彌陀釋迦并十方諸佛證明。

原書引善導法事讚土云。弘事多門四十八。徧標念佛最爲親。人能念佛佛

還念專念佛知人。

佛還念及專念佛等語。可見善導以念字通於心口。貴宗判定屬口稱。亦不合善導意也。

原書云。問。單曰十念。何以知其爲口稱哉。答。據善導觀念法門。以十聲稱名。釋乃至十念。往生禮讚。亦以十聲稱名。釋乃至十念。十念之非心念意念者。皎如白日。

稱名本在念佛之內。若執定念佛必局於稱名。則於經意不貫。

此段願文。須查考梵本。若原文仍屬意業。卽不得從善導改作口業。譯師最爲慎重。不許任意竄改也。

若口稱與心意無涉。則口稱佛名。心念五欲。心口兩歧。尙得入彌陀願海乎。偏邪之見。至於此極。何足與辯。

原書云。本宗以第十九願爲方便。以其取菩提心等行也。此十九之成就爲

三輩。三輩皆舉菩提心。十九之菩提心自力。則三輩之菩提心亦自力也。開十九爲觀經。以十九爲方便。則觀經亦方便也。三輩九品開合之異。三輩菩提心自力。則九品菩提心亦自力也。散善有二。一者三福。二者九品。此三福九品亦開合之異。九品菩提心自力。則三福菩提心亦自力也。三福者。世戒行也。行福中有發菩提心。上下品有發無上道心。十九三輩三福九品一切屬散善之行。非本願之行。又云。自力菩提心有多種。末代凡夫豈得發此菩提心哉。彌陀因位捨之。據其難行也。

謂觀經之定散。大經之三輩。不順佛願。是謗釋迦。謂彌陀因位捨菩提心。是謗彌陀。吾不知栖君是何等人也。

彌陀因位捨之一語。不怕拔舌泥犁。何敢出此語。

釋迦教中實無此語。勢至教中有之乎。吾不得而知也。

彌陀因位捨之一語。不知栖君出於何心。鄙人返己自忖。假令刀鋸在前。斧鉞

在後以威力逼之。我亦情願粉骨碎身。決不忍出此一言也。（謹按以上兩條評本未錄。茲依手稿補入編者識）

原書云。選擇集廢菩提心據善導。善導曰。上來雖說定散兩門之益。望佛本願。意在衆生一向專稱彌陀佛名。選擇集之廢據此。

善導實無廢菩提心之語。真宗強指其廢菩提心。借疏末一句用之。費盡無限心力。亦可哀也。

原書引善導觀經疏序分義曰。發菩提心者。此明衆生忻心趣大。不可淺發小因。自非廣發弘心。何能得與菩提相會。唯願我身身同虛空。心齊法界。盡衆生性。我以身業恭敬禮拜。迎送來去。蓮度令盡。又我以口業讚歎說法。皆受我化。言下得道者令盡。又我以意業入定觀察。分身法界。應身而度。無一不盡。我發此願。運運增長。猶如虛空。無所不徧。行流無盡。徹窮後際。身無疲倦。心無厭足。又言菩提者。卽是佛果之名。又言心者。卽衆生能求之心。故云

發菩提心也。

此是善導所說。何得判其捨菩提心。

原書云。如是菩提心。亂想凡夫。豈能發得哉。

此言關善導。

凡夫定是凡夫。攝歸淨土。如何化導。蓋凡夫之本心。與諸佛無二無別。所以蒙佛接引。卽脫輪回之苦也。

原書云。十九願自力菩提心。生乎化土。深自悔責。轉入真土。故爲橫出。十八之信樂。順次往生。證大涅槃。故爲橫超。

此判大違經意。經文第十八願。普攝羣機也。如法華之一稱南無佛。皆已成佛道者。是也。第十九願。別攝上品機也。今抑十九爲化土。揚十八爲直證涅槃。一切經內。皆無此義。

原書云。均是觀經也。天台以之爲心觀爲宗。實相爲體。善導以之爲念佛觀。

佛爲宗。往生淨土爲體。本宗依善導。誰以善導爲違教乎。

以疏輔經。不以疏掩經。慎之慎之。

原書云。此捨一字。所以開淨土宗於聖道各宗之外也。以此一字。使天下萬世知標準之所在也。

暗藏滅法之機。

原書云。聖道難行。不可行也。故斷斷乎捨之。

既不能行。又何必言捨。

原書云。安樂集曰。聖道一種。今時難證。乃至大集月藏經曰。我末法時中。億億衆生起行修道。未有一人得者。

此等語句。均是活機。策勵後學之言也。

原書云。欲開一宗。風動天下者。必須鮮明其旗幟。而令知其方鍼。

不顧經意之所在。只圖動人之觀聽。欲出新奇。其途甚多。支那境內。且有數十

種而未已也。

原書云。此土入聖爲聖道。他土得證爲淨土。

栖君實未嘗知聖道淨土同別之源。語語以此土入聖爲聖道。他土得證爲淨土。所知盡於此矣。豈知聖道者。十方三世同行之道。娑婆極樂。均如是修證。佛說淨土門。是防退之法。仗彌陀願力。往生西方。永無退緣。必至成佛也。是以專修淨土。卽得圓成聖道門。若唱捨聖道。卽是捨淨土。蓋淨土由彌陀修聖道而成也。如來善巧方便。或說自身。或說他身。或示已事。或事他示。而以世俗情見。固執不解。欲入佛界。不亦難哉。

原書云。居士曰。縱令一生造惡。經文中無此六字。解曰。余以居士爲信道綽。今則以道綽爲違道。余不知居士之意在何處。

道綽於願文內加此六字。開後人放肆之門。不可不辯。豈有刻其書而不檢其過耶。卽如南嶽大乘止觀。引起信論之語。添一惡字。蓮池已舉其錯。敝處刻蕩

益書甚多。亦時時論其錯處。不能爲之迴護也。

原書云。道綽以觀經下下品釋大經第十八願也。大經十方衆生之言。不知何等衆生。道綽以爲下下品之機。是道綽之爲天下後世彰彌陀願王之本意也。

第十八願末。明言唯除五逆誹謗正法。道綽加六字於願文之中。顯違經意。違經乎。違道綽乎。

原書云。善導曰。衆生起行。口常稱佛。佛卽聞之。身常禮敬佛。佛卽見之。心常念佛。佛卽知之。

心常念佛之語。與口常稱佛。一耶二耶。

原書云。居士以善導爲比量。爲依他。以集主爲非量。爲徧計。居士以唯識視淨土門乎。徧計空。依圓有。居士以集主之言爲龜毛兔角乎。

此中微細分別。心麤氣暴者。何足以知之。

淨土若缺唯識。則彌陀佛法爲有欠矣。

集主翻對之語。全是凡夫情謂。妙覺位中。決無此理。非龜毛兔角而何。

原書云。居士曰。佛以無緣大慈攝化衆生。平等普徧。無親疏之別。而言親疏者。屬衆生邊事。若佛因衆生而有親疏。則亦衆生而已矣。烏得稱爲佛耶。解曰。居士單知有平等門。而不知有差別門也。無緣大悲。平等普徧。是爲平等門。若以願行來收。非無因緣。以三心十念爲往生之因。是爲差別門。據此差別門。開淨土之一門。彌陀偈經曰。發願踰諸佛。誓二十四章。是彌陀本願之所以超諸佛也。順其本願爲親行。不順其本願爲疏行也。以水爲能感。以月爲所感。月豈不照外物哉。然非水則不能感。月影也。親疏之行。可以知矣。

以三心十念之因爲差別門。正屬衆生邊事。下文水月喻。恰成就我宗。如因衆生而佛有親疏。則佛應無邊之機。應有無邊親疏之別。有心則不普。無心則不差。請細思之。觀經云。光明徧照十方世界。念佛衆生。攝取不捨。又云。以無緣慈。

攝諸衆生。此兩句須善融會。若執定一邊。則互相違矣。

水清則月明。水濁則月暗。明暗在水而不在月。是以親疏屬衆生邊事。

原書云。居士以十念爲至淺之行。何其破法之甚。

前引道綽釋十方衆生以爲下下之機。則道綽亦破法矣。

原書云。善導曰。上來雖說定散兩門之益。望佛本願。意在衆生一向專稱彌陀佛名。以此觀之。序正之定散。非彌陀本願。流通之持名。是爲本願也。

誠如此言。則善導疏觀經數萬字。大可不必。卽佛說三部經法。亦屬虛設。單說第十八願一條足矣。

原書云。集主以大阿彌陀經之選擇。釋大經之攝取。是以異譯釋本經。誰敢非之。

漢譯吳譯。皆用選擇。魏譯唐譯。皆用攝取。因古之二譯。字句未能妥洽。是以重複譯之。俾成善本。若後譯不能勝於前譯。當時亦毋庸費此筆舌矣。細味攝取

二字。義理深長。請以梵文證之。

原書云。居士之所嫌。唯在選擇二字。集主之開一宗。唯在取選擇二字。取者與嫌者相反。不必望居士之隨我也。唯祈居士捨彌陀所捨之行。取彌陀所取之行。而往生真實報土。

彌陀所捨者。無明煩惱也。我亦捨之。彌陀所取者。菩提涅槃也。我亦取之。彌陀以三輩九品攝受衆生。我亦願往生焉。

原書云。大經曰。二百一十億諸佛刹土。天人之善惡。國土之麤妙。既有善惡。須捨惡取其善。既有麤妙。須捨麤取其妙。五劫思惟。在捨其麤惡。而取其善妙。永劫修行之後。其精妙之物。集而成彌陀淨土。是彌陀淨土之所以超出諸佛淨土也。

法藏比丘見果知因。思惟修行。因圓果滿。自然顯現淨妙國土。豈以精妙之物集而成土。如世俗造作之相耶。

原書云。春蠶吐絲之譬。亦不外於風流人之假想也。八功德水。七寶樹林。豈一色蠶絲之可擬者耶。

春蠶喻以爲不確。復以作文喻之。譬如聰慧之士。讀盡古今書籍。欲作一篇大文章。必由自己胸中流出。絕不蹈襲陳言。方成妙文。若一一採自他書。縱將一切佳句採盡。祇成一片碎錦。豈得稱爲妙文。彌陀淨土。亦復如是。

原書云。集主之言般若者。信第一義也。是因行而非般若現時也。六度中般若波羅蜜是也。

不現何得名般若。(謹按此句評本未錄茲依手稿補入編者識)

以六度中般若波羅蜜爲淺。是全不知般若。亦并不知波羅蜜。非般若現前。不名六度。以其不到彼岸也。支那禪宗。專學般若。其造詣之深。豈門外漢所能知耶。

原書云。此集菩提心者。因行也。非佛果也。

無因如何得果。以菩提心之正因。方能契無上妙果。句義且不能通。何能論佛法。

原書云。下下品不能念彼佛者之念。心念也。應稱無量壽佛。口稱也。具足十念之念。亦口稱也。

何不曰具足十稱。而曰十念耶。蓋猛利稱名之時。心亦隨之。以口攝心也。必欲掃除心念。是障往生之路矣。

原書云。居士以著衣喫飯便利睡眠爲雜行。佛者之口氣。須禁此不祥語矣。宗門參禪者。每云除喫飯便利是雜用心。律中在著衣喫飯睡眠上。制戒數十條。何謂佛者不應說。豈不聞麤言及細語。皆歸第一義乎。不祥之語。莫大於違經意。

原書云。居士曰。五逆以下三行解說。若約懺罪猛鈍。修證淺深。可以九品互通。此中說解第一義。發菩提心。通上下者。除非中途退墮。作諸惡逆。臨終回

心。如經文下品中說。解曰。居士已許修證淺深矣。解第一義發菩提心。豈無淺深差別乎。

發菩提心。解第一義。亦通上下之語。拙評已說明。除非中途退墮。方落天下。以其退菩提心。失第一義故也。十惡五逆亦通上上者。除非作實相懺。徹證罪性本空。方能超昇上上也。故此互通之義。皆須轉機。轉則失上而趣下。失下而趣上。若不失仍不互。當以經文爲正也。台教後人說橫說豎說逆說順。祇逞鋪排之富麗。往往語中有病而不自知耳。

雜評

久知真宗之名而未知其實。自小粟栖君力辯之後。始知真宗之所以爲真宗矣。彼此答覆。意在言外。

觀此番辯論之言。貴宗之骨髓見矣。

佛經且任意廢棄。何況凡位學者之言而不肆口詆訶。率意陳言。可謂不度德。

不量力也。

我輩篤信他力。仍不廢自力。諸經之公義也。公等單說他力。不許稍涉自力。黑谷之私見也。欲樹一家之門庭。盡廢千佛之正軌。吾不知其可也。

君謂他力信。以爲屬他力。我謂信他力。仍從自力起。必欲強分自他。則自他亦假名而已。

佛教衆生。必以破我執爲先。蓋人我對待。則生佛懸隔。如空有雲。水中不能見月也。

經言衆生處處著。引之令得出。貴君之病。祇在處處執著也。

貴宗不能合於經義。卽此固執之病也。以凡夫情量。判如來聖教。遠之遠矣。將佛法妙用。作凡夫見解。十萬億佛刹。何時得到。

不達佛教開合之妙。所以觸途成滯也。

觀經有九品。大經有三輩。而說淨土無九品。請於三經內指出明顯之文。

如是之教。不但娑婆世界有一無二。卽十方世界。亦恐無有。何以故。不費功力。速得成佛。迥出思議之表。若在四十年以前聞之。我亦樂從也。

睜開眼。放平心。將淨土三經。挨次閱竟。必須前後文義相貫。知一經終始。絕無矛盾之說。自然不爲成見所囿矣。

貴宗所別於通途者。摘其大綱。一曰取一願廢諸願。貴宗以第十八願爲宗本。判十九願爲非佛本意。則佛有違心之語。故取一願令人專修可也。貶諸願謂非佛意不可也。二曰專他力而盡廢自己力。考經中佛說云云。平心論之。雖以他力爲所信。仍以自力爲能信也。三曰貶經中所說三輩九品之相爲不足貴。而另立一往生之相。駕於九品之上。云往生卽成佛。是修行者生品反低。而不修者生品反高也。四曰判聖道爲此土成佛之教。夫聖道爲十方三世成佛之教。極樂世界亦在其內。所勝者無退緣。常與諸上人同會一處耳。然在淨土得忍以後。度生願切者。必回入娑婆。或往他方世界行大悲利生。淨土菩薩若闕

大悲彌陀亦應訶斥也。

近年見貴宗賢士好學不倦。試一言之。冀有少年英俊突圍而出。佛法不其昌明乎。往者選擇集入手。偶一翻閱。置於架上。今因屬刻。不得不閱。卽進言之機也。非但黑谷之書。評其瑕疵。卽道綽善導之書。亦有檢點處。如安樂集下卷□□□□□支那見之。皆以爲不足訓。而刻板已成。無可如何。善導觀經疏以三福九品判作散善。夫三福乃修觀之前方便。九品係所觀之境。元照已辯其錯。故不贅言。至於南嶽思禪師大乘止觀引起信論中能生一切世出世間善因果故。於善字下加一惡字。蓮池屢指其錯。大凡違經之語。有識不能默然。從古如是也。唐信行禪師。人皆稱其菩薩應化。而所作之書大違經意。當時卽禁止流傳。

佛由菩提心成。猶之飯由米成。今欲喫飯而不準用米。試問可得飯乎。今欲念佛而不準發菩提心。試問可見佛乎。佛者。究竟菩提也。捨菩提心。則無由得佛。

猶之捨米無由得飯也。此論如金剛。十方三世無能破壞。請細思之。

黑谷語錄釋經道滅盡持留此經之文。舉淨影以後勸今之語。遂欲將萬年來燈燄欲滅之象。提至今時用之。是釋迦教本有萬年住世。而黑谷直欲促而短之。是何意也。且淨影之旨。重在勸人篤信淨土。非欲盡廢一切經教。而作萬年後之行也。黑谷章末云。若有片言契合佛意。於菩提果得不退轉等語。此公先將菩提因廢盡。焉能得菩提果耶。又云。若於文理有所錯謬。願仰後賢校正。可惜六百年來無人校正。不知誤卻幾許人矣。

黑谷以菩提心及六度等。皆判爲雜行。悉應廢捨。誠如彼言。則不發菩提心者。是爲正行。廢布施則慳貪者爲正行。廢持戒則恣縱者爲正行。由此推之。瞋恚懈怠散亂愚癡者。皆爲正行。顛倒說法。至於此極。如師子身中蟲。自食師子肉。故知佛法非外人所能破也。衆生違於法性。則樂著生死。慳貪恣縱瞋恚懈怠散亂愚癡。如來愍之。教令發菩提心。修六度行。逆生死流。順涅槃道。求生淨土。

無非爲此而已。必欲廢之。不知求生淨土爲何事也。

或曰。求生淨土。必須發菩提心。修六度行。不亦難乎。答曰。無難也。凡信淨土法門者。發願自度度人。同證佛果。卽是菩提心矣。專修念佛。見得世間財物無一可樂。不起慳貪想念。卽與施度相應矣。專修念佛。逆境現前。不生瞋恚之心。卽與忍度相應矣。專修念佛。心不散亂。卽與禪度相應矣。專修念佛。不受世俗愚迷。卽與智度相應矣。初行之。卽是日用尋常。漸次增進。便成菩薩妙行。何必立意埽除。定將出世善法。歧而二之。不幾作釋教中之罪人哉。且此七法。惟布施一門。就名相言之。似有施作。其餘六門皆無施作。不過就治習上立此名目耳。奈何判爲雜行。謂念佛人必不可修耶。

三輩九品所發菩提心。皆是四弘誓。卽不知發此誓者。亦隱含三心。若必指無上菩提之心。是在十信滿時。一發此心。卽入圓住。便能現入相成道。上品上生者。見佛之時。卽發此心。然凡夫發四弘誓。亦徹於究竟。必至究竟位。弘誓方滿。

也。所以爲因果交徹之心。

三輩九品以外。別有一類。是修觀者往生之相。十六觀以第九爲絕頂。可分爲九品。然觀成之人。勝於上品上生。以其現生受記也。後之七觀。推而廣之。以盡聖凡之際。

思惟攝取莊嚴佛國清淨之行一語。須善會通。蓋法藏比丘見果知因。其所修菩薩道。皆是莊嚴淨土之因。若捨聖道。何得有見淨土耶。

此中是非。當在彌陀會下證明。然恐往生後亦不得見面。蓋我輩所生。是經中已說之土。三輩九品種種莊嚴。卽同居而談實報寂光之土也。公等所生。是經中未說之土。貴論所謂一種真妙。往卽成佛之土也。

圓融不妨差別。差別不妨圓融。是也。小粟栖君祇許差別。不許圓融。所以差別與圓融相妨矣。

圓融妙理。皆以果法目之。此台教後人之語。賢首嘗云果位不可說。所可說者

皆因妨耳。蓋諸佛妙用。卽在凡夫日用中。儒書所謂百姓日用而不知也。弟於佛法。最爲慎重。與人接納。不輕談論。雖有新學問道。亦不收作門徒。南條北方諸君。往返二十年。未嘗講論佛法。茲因機緣觸發。不惜一番話墮。引出無限是非。然愈辯而愈明。彼此均有利益。幸承詳細開示。得見貴宗之底蘊。自此次答復後。決不再參末議矣。除非好學之士。夙根發現。負笈前來。虛心請益。仍當善言開導。拚取雙眉拖地也。

闡教編終

石埭楊仁山先生評論日本真宗之言詳矣。歲丁巳。距先生西歸纔六年。而稿已瀕於散佚。懼其久而失傳。乃掇拾叢殘。彙爲一冊。尋繹遺稿。知先生嘗取彼宗所出真宗教旨。及選擇本願念佛集二書。加以評語。並撰闡教芻言一篇。郵寄東國。彼宗小粟栖。因作陽駁陰資辯。及念佛圓通二書。稱陽駁陰資辯者。以先生評真宗教旨。有陽似辯駁。陰實資助語。

也。稱念佛圓通者。彼謂撰選擇集。創立真宗之源空。爲勢至化身也。先生復逐條痛駁之。又有後藤葆真者。作應於楊公評駁而呈卑見一書。有龍舟者。作陽駁陰資辯續貂。念佛圓通續貂二書。先生答書。已與評一柳讀觀經眼。純他力論二篇。刊入等不等觀雜錄中。茲編所錄。皆一再搜求而始得之。其評選擇集一篇。則從念佛圓通及後藤書中錄出。別有先生手稿九紙。卽評陽駁陰資辯念佛圓通底稿之少分。亦有爲前評所無者。如干條彙爲雜評一篇附焉。錄成。謹以闡教芻言冠首。因卽僭題曰闡教編云。丁巳仲夏編者謹識。

初機修淨業 應備下列各經 上海佛學書局出版

佛說阿彌陀經

佛說無量壽經

普賢行願品

姚秦鳩摩羅什譯

曹魏康僧鎧譯

唐闍賓國三藏般若譯

大梵本附往生咒懺悔文 一冊

大梵本附往生咒及懺儀 一冊

小梵本附心經往生咒大悲咒四種合本 新價三角六分

四開大書本(連史) 新價一角

六開影印百鹿齋本 一角

六開毛邊本裝三號字本 九分

連史四開二號字大本新價四角

影百鹿齋六開本 新價四角

三號字六開本 二角四分

三號字並裝報紙本 一角六分

鼓山木刻本 新價六角

大梵本布面裱本 新價六角

大梵本偈文並一書 新價八角

四開連史紙二號字 新價二角

影印百鹿齋六開本 一角六分

朝暮課誦

新價三角

日誦經咒簡要科儀

書本新價六角 報紙本三角

觀無量壽佛經

劉宋畺良耶舍譯

連史四開二號字大本 一角

影印百鹿齋六開本 一角

三號字六開本 九分

三號字並裝報紙本 五分

念佛三昧寶王論

一冊 八角

往生論註

一冊 三角

淨宗學人除一心念佛外應有常課 本書所集各種經咒均為淨土宗學人所應誦者並附科儀備此一冊要纂用小摺式不礙合掌禮拜等持誦典可俱矣

九分 本論由飛錫法師將念佛三昧開二
五分 十門剖析淨土妙門般舟之義

范古農居士插墨鸞註解之精要而用淺顯之筆敷說足解初學者之難

初機修淨業 應備下列經疏 上海佛學書局出版

阿彌陀經白話解釋

黃涵之居士釋 一冊 四角

此經古德註疏類皆文言法語初機難入今黃居士用白話文解釋此土衆苦交迫彼國依正莊嚴闡揚盡致讀之令人忻厭頓生信願倍切誠爲接引初機之第一善本

阿彌陀經要解

一角 六分

此解爲滄益大師手筆於是心作佛是心是佛心性無外之義徹底圓彰誠爲自有注解以來唯一傑構

阿彌陀經蒙解

一冊 新價二角

與慈悲法師教觀尊宿歸仰淨土法師慈悲對於古德注疏未免扞格重述蒙解以作升堂之基礎

彌陀經往生咒 懺悔文 大悲咒 旁解

范古農居士主任編輯

本年年底出版 定價六角

卷首附五彩阿彌陀佛像一幀初學佛者義理未明宜先熟誦然讀書時而絕不解義勢所難能苟不疎通未免枯燥易生厭倦故本局步武古德照金剛經旁解體例特請范老居士主任編輯各經旁解用連史紙精印經文用特號仿宋註解用四號仿宋疎朗醒目誦誦解義一覽兼收

阿彌陀經分科略解

王若璩居士著 一冊 二角

本書由王居士按照科判解釋並由李證性居士製表冠在卷首一目了然對表索解並不割裂經文

阿彌陀經圓中鈔

本裝二巨冊 新價九角

彌陀經註解極多蓮池疏鈔廣大精微滄益要解直捷要妙今大佑法師著此略解圓融之鈔精深宏博允稱鼎足印老謂彌陀一經得是三疏而無機不收無法不備誠確論也

彌陀經直解

淨土要言 念佛日課

王應照居士著 新價二角

淨土一宗起教修持具見於淨土三經而彌陀經言簡義周易於受持故古人列爲日課欲其成慕法澤各家注疏文深義奧初機之人難於領會王居士特爲方便以顯淺之文字述之兼附淨土要言念佛日課欲令一切同人各生真心

初機修淨業 應備下列經疏 上海佛學書局出版

觀經疏鈔演義

諦閑法師講 一冊 新價四角

此經係佛對阿闍世國太韋提希說三種淨業十六妙觀故又稱十六觀經於十六觀中前十二觀為上根人教觀想念佛第十三觀教中根人觀像念佛唯最後一觀為最下根業重惡人稱佛名號即得往生智者大師疏妙宗鈔文富義豐初機難入今復由諦閑法師演義得以易於入手矣

念佛三昧寶王論義疏

諦閑法師講 一冊 五角

此論係唐紫閣山草堂寺飛錫師所撰文約義豐讀者深感困難故諦閑法師加以疏述文字流暢便利學人

省庵勸發菩提心文

一冊 新價一角二分

省庵大師淨土尊宿在阿育王寺舍利大會發四十八大願作此文以勸人發心凡屬行人不可不讀

普賢行願品講座

芝峯法師講 一冊 新價五角

此經極顯事事無礙不於空處用心而於實處着力故為淨宗主經今芝峯法師不落天台賢首五重十門法則講演而以深入淺出使讀者興趣盎然而知所發心盡善巧方便能事

無量壽經旁解

附藏相五彩阿彌陀佛像及五彩長壽佛像各一幀 印刷中

范古農居士主編照彌陀經四種格式集古德註釋擷取精要字字句句皆有來歷絕非取諸胸臆而註者

省庵勸發菩提心文 講義錄要

一冊 新價二角

法師論此文價值雖非經非律非論實可當作經讀當作律看當作論研究可見此文之價值現經范古農撰取諦公講要相得益彰

普賢行願品輯要疏

諦閑法師講 一冊 新價三角

根據清涼疏圭山鈔中之精要為此豐約適宜之疏以便利初學

永明延壽禪師自行錄

附永明塔院碑圖 一角半

禪師為蓮宗六祖日課百八事往生上品為淨宗學人之楷範

初機修淨業

應備下列各著

上海佛學書局出版

佛學小叢書

蓮宗九祖略傳

清釋悟開著 一冊 一角

凡棲心淨土者得此一編可以知從上諸祖修己渡人之要如若廣為贈送發揚光大俾眾周知功德無量

初機淨業指南

黃涵之居士著 一角二分

本書用白話詳說淨土法門之要旨生死海中得此指南則於信願念佛求生西方不致走錯路矣

印光法師述

在家學佛法要

佛學小叢書之一 六分

本書乃印老為在家弟子說明三皈五戒十善之要語簡而賅足為人生軌範修己度人此為法寶

蕩益大師輯述 印光法師校

淨土十要

全書五冊 一元六角

此係淨土宗之法寶凡欲研究淨土宗者不可不先讀此書

徑中徑又徑徵義

徐槐庭居士編 三角

此書將張中丞所著節繁增略申緒徵實加以旁註警惕度人其濟世度生功德誠不可以道里計

淨業良導

一冊 三角

本書集樂邦文類及蓮池紫柏憨山蕩益各集中之合時機者錄數十篇以應初入法門之士印光法師云待其門徑已得然後徧閱全書則知一滴之味與大海之味無二無別

淨土篇

八分

李圓淨述 本書將淨土四經及古德著述之意述為語體用闡淨宗科列十門文近萬言絕非參鑿臆說之可比

淨土三要述異

一冊 四角

本書將淨宗經論及古德講信願行三法之義提要鉤玄並附古今往生事實以為徵信照此行持可得驪珠

報恩論

沈善登述 二冊 一元

本書徧引淨宗諸經並注解之以證明論義列於卷首闡述淨土綱宗造論五篇雜說十八則詩歌若干章都二萬餘言字字指歸淨土為初機學人必不可少之書

初機修淨業 應備下列各著 上海佛學書局出版

印光法師文鈔

二巨冊 一元半

印光法師嘉言錄

淨土釋疑論

師為蓮宗泰斗自行化他一以淨土為歸此其應機之文罄吐誠言辭旨懇惻熟讀此書不啻親炙法誨焉

李圓淨輯 一冊 五角
此編取法師文鈔中之嘉言要旨分類十門輯為此錄既便閱又利機

林師尚居士著 一冊 五角
本書採錄淨土經論及歷代語錄彙合而成對於生死輪迴因果之說及關於淨土種種之疑難罔不詳為解釋俾無餘蘊見解透徹文字精嚴足與十疑羣疑二論鼎足而三焉

西方確指

一冊 一角
師選

寒茄集

一冊 二角

此書開示法語最為逗機精警絕倫洵為菩薩徹底悲心之所示現未見正見者一讀此書如遇導師可獲無邊利益

一名 蕩益警訓略錄
蕩益大師人天龍象所述法語美不勝收今引一法師為便利學人選大勝警訓彙為一編其選剔之精無一字能動

龍舒淨土文

一冊 三角

最後一着

淨土歸元鏡

一冊 一元
二角

筋終津梁

一冊 三角

附五彩彌陀像 四角
書分三節一節終之平時察驗二從容之臨欲命終三倉卒之臨欲命終言簡意賅文精義豐教人於平時度持佛號俾收往生之實効

李圓淨居士：新式標點分段
本書係明代心融法師將淨土三祖方便接引法門今李居士用新式標點分段相得益彰

集筋終理論與方法詳明周備念佛同人得此一書臨終有所準備則於往生極樂若操左券焉

開教編

五七

初機修淨業

應備下列各著

上海佛學書局出版

念佛警策

一冊 二角

此書為彭際清居士所輯關於淨土宗最切要之經論以及各大師論說至徹悟為止多為警察行人要言

近代往生傳

一冊 五角

讀此書可知近代淨宗與盛佛教掌故至其中念佛用力及得力之處一足為吾人念佛者之參考而增進吾人之信心與願力也

淨土指歸集

釋大佑法師著 一冊 四角

本書專從淨土經論及古德著述採集宏揚淨土法門之文字成書兩卷內容精審議論懇切實為弘揚淨土之名著也

西方公據

一冊 二角

書中採錄各種經咒又列三聖像九品蓮台蓮中備圈令人點以記數念滿或沒後則燒以為往生淨土之資糧意甚懇切焉

初機先導

八分 覺華老居士著

胡有章居士輯錄印光老法師說三飯五戒十善義又附印老近作一函徧覆淨土指要臨終開示等印此小冊以為初機入門之指南

指歸淨土

連史紙中裝一冊 定價四角

覺老居士眉山導師行深般若照徹性源普應衆機廣作開示隻字片言皆是警策情修習淨宗大可一讀

念佛靈應記

二角 周安士著

本書輯近代念佛而獲靈感者錄之以堅固念佛人之正念一以啓發未發人之信心誠初機之導引

西歸直指

一冊 三角

此書首述淨土綱要次示疑問指南次敘啓信雜說末述往生事略內容之精足與王龍舒淨土文相伯仲

逸入法師重訂 印光法師校訂

印光老法師校訂

增訂淨土聖賢錄

全書三冊 定價一元六角

彭際清初輯胡蓮歸二輯德森師三輯今印老融會一起共成此書誠紀載淨土聖賢最完備之一書也

初機修淨業 應備下列各著 上海佛學書局出版

靜修居士著

極樂

新價五角

深入顯出機理雙契首述三惡道之實有漸次導之以學佛修淨超脫生死說理精密隨機導引誠為脫輪苦而享極樂淨宗之指南

弘一師輯

人生之最後

六分

一期報盡人命欲終人生最後之一日實為來生升沈苦樂大關鍵此書言簡意周願世人共讀準備往生資糧方可臨終自在不再輪迴惡趣也

阿伽陀藥

一角二分

盲人呂祖篤信佛法聽人講授大有所得撰此一書以點醒迷途為始修持淨土為歸以凡百苦惱急宜解脫為勸真盲於目而不盲於心焉

阿彌陀佛聖典

八角

淨土法門為契機契理法門古往賢聖人人趣向千經萬論處處指歸本書節錄念佛諸義為彌陀說林章分十門理暢一行可為修淨業者之助

往生安樂土法門略說

太虛法師述 一冊 一角

此書開示學人由信願行而達證之方法與定理並附述中國人在口頭上心頭上的阿彌陀佛以堅信願

西方啓信錄

一冊 三角六分

此書係孫傳祝居士集淨土經論及諸祖語錄以明非臆說序云願見聞者由信發願由願發行共登不退之階同作西方之眷屬云

佛祖心燈貫註 合編

一冊 新價二角

了然大師初究宗乘得其指歸以仗自力了脫非易繼閱經教始知淨土法門最為超勝遂生信願專志修持為利他故乃述此編於禪淨理致頗多闡發

省庵勸發菩提心文 合編

全一冊 新價二角

本書由慕蓮師採集蓮宗諸祖念佛法要彙編一冊圓瑛法師為之序云此書一出於淨宗又多一廣長舌願初機學人亟讀此書

初機修淨業 應備下列各著 上海佛學書局出版

淨土證心集

鼓山木刻本 清萬蓮法師著

全一冊 定價七角

書有二十九章之雜綴所以辨明淨土也四十八首之題像所以宏讚淨土也唯心之頌百八所以徧窮淨土也要約之律二十所以勸修淨土也反復叮嚀無非欲人同歸於淨土也

西生法雨

烟霞子輯 新價法幣二角

此編特採佛經要句古德名言開門見山直會心諦如能久習日誦或於一語半偈中忽爾頓悟徹覺即得識自本心全集偈句半為警俗醒世半是悟道會心絕不談俗務純修出世法有志佛學者日課數句假此法雨玄風同生西方聖地

印光開示語錄

仿宋字排 定價二角

印光法師當代尊宿其所言行數十年如一日弟子遍亞洲宗尚淨業毫無懈怠此開示為法師應護國息災法會連講七天中之講錄鄧老居士記錄呈政法師親自審定者當今國事多故災患頻仍正宜各發信心同申懺悔各行其是以解倒懸凡修淨業者幸注意焉

王固存居士輯

念佛槌

佛學小叢書之一 新價一角

本書專輯紫柏大師開示淨土之法語及讚歎阿彌陀佛之文字與蓮池淨土彙語憨山淨宗法要瀉益秘藏指南為四大名作凡研究淨宗者之必不可少之書

淨土極信錄

鼓山木板 定價七角

就彌陀經文及佛祖誠言恭述三十二偈後續四十八咏等彙成一集名曰淨土極信錄言詞淺近意旨周詳實修淨業者出苦海遊極樂之寶筏

蓮花座

楊樹枝居士著 一角二分

此書就淨土宗之理解與修持方法作一系統之敘述學者但依其法一心修持不必旁徵博引他日蓮花座上定必有分

海潮音 文庫 淨土宗

道林紙二元 報紙一元二角 海潮音社為當代佛學界所組織此編即其十餘年中關於研究淨宗之論文故為修淨業者之要典

修習教觀者 請備下列各經 上海佛學書局出版

妙法蓮華經

木版三開大本三冊 三元

三號字六開本二冊 一元二角

三號字報紙本一冊 八角

此經為姚秦鳩摩羅什所譯為天台宗主要之經乃如來究竟極談具明一代時教所以然之線索如家業之有總賬簿然

妙法蓮華經觀世音菩薩普門品

鳩摩羅什譯

大梵本影印宋板 新價六角

大梵本布面裱本 新價六角

小梵本布面裱本 三角六分

四開大字本 新價一角

四開影余紹宋書本 新價二角

三號字並裝報紙本 新價一角

無量義經

三號字六開本 一角八分

三號字報紙本 一角二分

無量義經為蕭齊時天竺曇摩伽陀耶舍第二譯此經融會法華為法華經之前茅開法華經之端緒但因到經之中較晚不知與法華經之為一體若身首之不可離遂令法華不能直顯真實之義

觀普賢菩薩行法經

一名觀普賢觀經一名出深功德經

劉宋鬪寶三藏曇摩蜜多譯

三號字六開毛邊紙本 角半

三號字並裝新聞紙本 一角

觀普賢經為法華經之總結束證諸實而顯其用讀法華而不讀此經似無從得其真相也

佛說無量義經 妙法蓮華經 觀普賢菩薩行法經

三號字六開本 二冊 一元半

三號字報紙本 一冊 九角

法華經有無量義經開端觀普賢經結束如鳥之兩翼缺一不可若缺其一則法華雖妙難以獨顯蓋無量義經者理門也觀普賢經者修門也非二經備然後法華全體妙用顯矣

南本 大般涅槃經

全十冊一布函 六元四角

本經由北涼時天竺曇無讖譯梵宋慧嚴慧觀同謝靈運再治號為南本共分三十六卷後分二卷與北本比較各有所長不可偏廢

修習教觀者 請備下列各論疏 上海佛學書局出版

法華經優波提舍

三號字六開本 新價三角
三號字報紙本 新價二角

本論為婆藪槃豆所造經苦提流支與曇林共譯凡讀法華經者不可不讀此論以明法華之妙

法華經文句纂要

康熙鼓山刻本 全書十五冊
定價每部洋十元

天台智者大師得法華三昧獲旋陀羅尼照了法華如音輝之臨幽谷於是九句談道以釋經題名曰玄義次釋章句以解文義名曰文句歎觀止矣道籍禪師摘取精要刪繁補缺纂此要集以利初機

修習止觀坐禪法要

一冊 新價五角

此書為智者大師所作以大悲故在摩訶止觀之外復作此書使管一滴知百川味凡欲修觀坐禪速備此書

法華大義

全書四冊 新價二元

此書乃明通潤大師別出機杼箋釋蓮經之作取法華華嚴二經大義參融合解而成者自序中云庶讀法華者籍華嚴而知法華之要讀華嚴者籍法華而知華嚴之詳是則讀此一書即得通曉二經大義其為重要不待教言

觀音圓通章

一冊 六分

此係楞嚴經中之一章為觀音圓通唐天竺沙門般刺密誦所譯

妙法蓮華經通義

本裝五巨冊 三元六角

明憨山大師所著內容大旨在會通全經以歸開示悟入佛之知見發明華嚴始終一貫之大旨以暢如來世世之本懷其內容之精毋俟煩言

天台四教儀集註

一冊 一元二角

天台四教儀為高麗沙門誦觀所錄復經元朝沙門蒙潤集註融會各家彙成巨著研究台宗教儀唯一善本

六妙法門

一冊 二角

本書為天台智者大師所作天台專尚止觀此即不定止觀故欲習修觀此書為不可少之參考

修習教觀者 請備下列各疏 上海佛學書局出版

普門品旁解

附觀音五彩像 新價八角

何子培居士仿照古壽春本金剛經旁解格式，摺集本經諸註之精華，字字句句皆有來歷，絕非取諸胸臆。而事註疏並用中國連史磁青面底經文，特號仿宋字，註解眉批四號仿宋字，行數疎朗，品格美麗，洵善本焉。

普門品圖說

角八

銅版圖四十幅，每圖上冠經文，下附事證，卷首用全品經文，以利持誦。

法華經安樂行品科註

佛告文殊，以身口意誓願，四安樂行，並設輪王寶珠之喻，以表秘密之藏。一如科法，便利學人。每冊二角。

教觀綱宗科釋

靜修法師著 新價六角

教觀綱宗，為明智旭法師所述，依龍樹之心，傳法華之妙，立五時八教判。釋東流一代聖教，聲無不盡，俾權實理彰，而徧圓立辯，使一代教觀悉歸於止靜。修法師因智師所著大體，雖陳細目未備，因再隨文分科逐句解，釋誘諸初學，咸獲教觀之旨，同修慧業，同圓種智。

教觀綱宗講錄

誦閱講錄之一 新價四角

本書為誦老所著弟子圓明筆記法，師演教數十年，深有心得，探頤索隱，彰幽闡微，啟運悲心，開示學人，使讀此一書，對於台宗教觀，煥然冰釋，欲修慧業，請速備此。

大乘止觀述記

誦閱講錄之一 一元四角

欲成定慧，莫若止觀。南嶽著大乘止觀法華三昧，由是而顯。吾人欲修正觀，就定慧者，則此書不可不讀。復由台宗老修加以述記，不必探驪，即可得珠。其亦為利益學人而已。

摩訶止觀述記

正在排印 不日出版

摩訶止觀，為隋天台智者大師所說，門人灌頂錄記。此止觀，即智者說其心中所行法門，開章為十一大意，二釋名三體，相四攝法五徧圖六方便。七正觀八果報九起教十旨歸，計分二十卷。為台宗修止觀之總鑰，惟卷帙浩繁，文義深奧，故寶靜法師廣其說，作此述記，以為學修之津梁。

修習教觀者 請備下列各著 上海佛學書局出版

三千有門頌略解

真覺法師解 一角二分

宋時台教之盛僧徒士大夫類能言之此頌即宋忠肅公陳瑜所作言簡意高理深智備誠法門之關鍵修心之要焉真覺法師益精其說作此略解辭達理瑩使縑素翕然向化苟不讀此安知三大五小之妙精熟三大五小即可知此頌此解之妙也

始終心要略解鈔

誦閑講錄之一 一角六分

始終心要為荆溪湛然尊者所著法門之寶鑰實相之神符欲登法空離此無居誦老法師講演時駱君季和聞即了解特作鈔文附於解文之後師見甚異特囑諸生傳誦稱為法門之要典可知此書之價值矣

簡心十道疏解

又默子疏解 新價一角

簡心十道為智者大師所說簡除此種非心以為學人入手觀心地步又默子因以大師說經本來圓妙後學不易貫通作此疏解俾利初學

台宗二十五方便輯要

淺述 寶靜法師叢書之一 每冊新價三角

台藏二十五方便指示下手方法令獲正修行路今以此淺近文字依據原意而淺述亦法師之善巧方便耳

六波羅蜜法門

一冊 六分

六度為大乘行誦閑法師以三四千字罄吐淨盡啓示學人不可不讀

天台宗教義略說

佛學小叢書之一 新價八分

本書為梅光義居士所作對於天台宗教義分六門一者歷史二者教判三者教理四者觀行五者行位六者身上寥寥六千餘言大體均備學者費數分鐘而於天台教觀即可了然

觀心十法界圖說

佛學小叢書之一 新價六分

此圖說係慈雲法師所述製以觀心之圖研味法意置諸座隅足以自警並附瀆益妙觀直指及微悟念佛指要實均有裨學人也

佛學書局備有圖書

目錄如承函索即寄

上海愚園路一五四號電話三五五二四

欲精研佛者不可不備此書

實 用 佛 學 辭 典

洋裝一冊定價法幣十元◎並裝四冊定價法幣六元

五大特點

- 一 選擇精審 凡無關宏旨及人易於領解之名詞概從刪節
- 二 編次嚴密 編次均係筆畫繁簡次於筆畫繁簡之中又依字體例順部首先後以類相從
- 三 不稍紊亂
- 四 檢查查便利 檢查查方面極感便利
- 五 其中同一字之各條皆排列於一處使閱者有引手即得之妙
- 六 註解詳明 本書註解所引經典皆備註原書其同一名詞而見於數種經典者為一備述
- 七 書名使閱者獲旁搜遠紹之益
- 八 或同一名詞有各種解釋者亦一一備列之
- 九 校對精密 本書排印皆由編者親自鑒校不假手於初機學人實為本局出版中校對最審慎之書 上海佛學書局發行

本書由

非賣品

印送經書功德基金會利息
項下撥資排印一千五百冊
普為捐助基金檀越

功德回向

願以此功德 消除宿現業
增長諸福慧 圓成勝善根
所有刀兵劫 及與饑饉等
悉皆盡滅除 人各習禮讓
一切出資者 展轉流通者
現眷咸安樂 先亡獲超昇
風雨常調順 人民悉康寧
法界諸含識 同證無上道

二十八年十二月八日印出

楊仁山居士手訂

釋氏十三經

法華經	楞伽經	楞嚴經	維摩詰經	觀無量壽經	無量壽經	金剛經	般若心經	八大人覺經	四十二章經	佛遺教經	梵網經	圓覺經
-----	-----	-----	------	-------	------	-----	------	-------	-------	------	-----	-----

洋裝布面燙金一冊四元◎本裝十冊一冊布函四元

一大藏教，浩瀚無涯，初機之士，對斯教典，幾同望洋，苟非示以津要，詎能識其涯岸，清末，楊仁山居士有見於此，因從大藏經中，選其最精要者十三經，名曰釋氏十三經，為數雖非甚鉅，而大小顯密華嚴天台淨土律宗般若等部無不包羅，雖謂為一部大藏經之縮影可也，凡初學佛法，或無暇讀全藏者，若備有一帙，晨夕恭持，則歸元選淨，就路還家，固未嘗不可以少許勝人多許也，本經原用木刻，成本稍昂，今改用三號字排印，字體大小，既無殊於木刻，而清晰疎朗，似或過之，至於全經校對，皆由本局編輯同人，審慎從事，不致發生錯誤，以貽笑於大方之家也。

洋裝及本行單有另

